

四庫全書

經部

欽定四庫全書

經部

五禮通考卷一百一

詳校官侍郎臣劉躍雲

給事中臣溫常綬覆勘

總校官進士臣繆琪

校對官中書臣李奎

膳錄監生臣徐紹城

欽定四庫全書

五禮通考卷二百一

刑部尚書秦蕙田撰

嘉禮七十四

體國經野

蕙田案周禮六官之職皆冠以辨方正位體國經野而夏官職方氏掌天下之圖以掌天下之地著其疆域山數川浸人民畜牧之事最詳朱

子儀禮經傳王朝禮有制國建侯二篇蓋亦為
國以禮之一鉅典也第古今沿革既多載籍浩衍
虞書九共先儒以為九邱其篇軼矣今虞書禹
貢周禮及史記河渠書班史地理志而下列代史
志以及桑氏欽水經杜氏佑通典元和郡國志寰
宇記鄭氏樵通志馬氏端臨通考王氏應麟通釋
下至各省府州縣志書並遊覽記載之語不可勝
數其言猶河漢而無極也近代為專家之學者有

胡氏渭閻氏若璩黃氏儀研精地理於經皆有著述其功賢於曩哲今為舉其要領自虞十二州夏禹貢商九有周職方春秋三傳凡地之見於經者集諸賢之說略為箋疏以通古今之郵而禹貢以山川定疆界為萬世不可易之書其中如九河三江九江黑水等論議紛如有關經義而導河一節尤為列代治河之祖特詳著之秦漢而下史志無缺第摘

其統要以見於後云

書舜典肇十有二州封十有二山濬川

傳禹治水之後舜分冀州為幽

州并州分青州為營州始置十二州封大也每州之名殊大者以為其州之鎮有流川則深之使通利疏

禹貢治水之時猶為九州今始為十二州知禹治水之後也以境界太遠始別置之周禮職方氏九州之名有

幽并無徐梁幽并山川於禹貢皆冀州之域知分冀州之域為之也爾雅釋地燕曰幽州齊曰營州齊即青州

之地知分青州為之於此居攝之時始置十有二州蓋終舜之世常然宣三年左傳云昔夏之方有德也貢金

九州則禹登王位還置九州其名蓋如禹貢

朱子曰舜攝帝位命禹平水土以冀青地廣分冀東

恒山之地為并州

恒山在今直隸真定府定州曲陽縣西北百四十里并州直隸真定

保定府山西太原大同府境是

又東北醫無閭之地為幽州

醫無閭山在盛

京廣寧縣西五里幽州今直隸順天永平府及遼東之廣寧

又分青州東北遼東

之地為營州

遼東地在遼水東也營州即遼東定遼等衛

胡氏渭曰舜曲肇十有二州傳禹治水之後舜分冀

州為幽州并州分青州為營州始置十二州正義云

以境界太遠始別置之馬融曰禹平水土置九州舜

以冀州之北廣大分置并州燕齊遼遠分燕置幽州

分齊為營州於是為十二州

見史記集解

鄭康成曰舜以

青州越海分齊為營冀州南北太遠分衛為并燕以
北為幽金氏通鑑前編曰九州之來舊矣而冀為其
北自陶唐都冀其聲名文教自冀四達冀之北土所
及固廣矣及水土既平人民加聚於是分冀州自衛
水以北為并州醫無閭之地為幽州碣石以東接青
州之北為營州是為十二州焉考詩書傳記所紀其
後復為九州蓋九州為正而幽并營不過分統青冀

之故地是以殷之制分并為幽合青為營分梁以入
于雍荆周之制合梁為雍合徐為青而并與幽冀復
三焉略見爾雅詳見職方氏所記職方幽州其山鎮
曰醫無閭其川河滂并州其山鎮曰恒山其川虥池
嘔夷然則營州其山碣石其川遼水與渭案虥池即
衛水嘔夷即恒水也康成云分衛為并殊不分明通
典指為衛水以北而金氏因之復舉恒山虥池以證
尤確若以為康叔所封之衛則并冀當以衡漳為界

而冀域北盡於平陽無是理也

又曰日知錄曰幽并營三州在禹貢九州之外先儒謂以冀青二州地廣而分之殆非也幽則今涿易以北至塞外之地并則今忻代以北至塞外之地營則今遼東大寧之地其山川皆不載之禹貢故靡得而詳然而益稷之書謂弼成五服至于五千則冀方之北不應僅數百里而止遼史地理志言幽州在渤海之間并州北有代朔營州東暨遼海營衛志言冀州以南歷洪水之變夏后始制城郭其人土著而居并營以北勁風多寒隨陽遷徙歲無寧居曠土萬里或其說之有所本也劉三吾書傳謂因高山大川以為限之意蓋幽并營三州皆分冀州之地今亦未有所攷渭嘗與閻百詩論及此事百詩曰寧人著書言幽在今桑乾河以北至山後諸州并在今石嶺關以北至豐勝二州營在今遼東大寧並有塞外之地并蓋

至此始有先儒謂以冀青地廣而分者殆非子時同
客太原面質之曰此不過從肇者始也臆度耳其實
周禮職方氏并州其澤數曰昭余和在介休縣東
北二十二里俗名鄔城泊吾與君所共游歷者非石
嶺關以南乎且亦知先儒之釋經苦心處乎知分冀
東恒山之地為并州則以周并州鎮曰恒山故知分
冀東北醫無閭之地為幽州則以周幽州鎮曰醫無
閭故又知分青東北遼東等處為營州則以爾雅釋
地齊曰營州故也不然微周禮爾雅二書欲于禹九
州外枚舉舜三州之名且不可得況疆理所至哉鄭
康成云舜以青州越海分置營州晉地理志同然以
青之分而為營也不獨以地廣實以吏民艱于涉海
故別置一州以避其險漢光武以遼東等郡屬青州
後還幽州與明嘉靖十三年改遼陽附順天鄉試者
略同蓋古今情形亦不相遠云今案恒山厚池嘔夷
皆并之山川而並載于禹貢安得謂其地非冀域自

此以北禹功所未及故醫無閭不書非以其山在外國而略之也經紀揚州止于震澤豈可以會稽之山不載禹貢而謂浙江以南非揚域耶幽為冀之東北境也明甚後漢書及杜氏通典皆以岍夷地在漢樂浪元菟郡界而在青州首書岍夷既略則朝鮮句麗諸國禹時實皆在青域況遼東渡海僅數百里乎堯遭洪水天下分絕謂冀之東北前閉而後通前距而後服於理亦無礙但不可謂三州之地從古所未有至舜而始開耳且禹弼成五服至于五千自堯都以北當有二千五百里之地三州非其固有冀北要荒二服將何所容哉先儒釋經未必皆是苟有確據不妨改從若此之類則又不如仍舊之為安矣

蕙田案漢地理志云黃帝旁行天下方制萬里畫野分州得百里之國萬區帝王世紀云

冀兗青徐荆揚豫梁雍顓帝所建帝嚳受焉
通典宗其說亦謂顓帝置九州其說不見於
經然祭法云共工氏之霸九州也其子曰后
土能平九州則九州之名由來已久然刪書
斷自唐虞故今以舜十二州為首至淮南陸
形訓所稱天地之間九州東南神州曰農土
正南次州曰沃土西土戎州曰滔土正西弇
州曰并土正中冀州曰中土西北台州曰肥

土正北濟州曰成土東北薄州曰隱土正東
陽州曰申土周禮疏亦云自神農以上有大
九州桂州迎州神州之等至黃帝以來德不
及遠惟於神州之內分為九州此與騶衍說
中國名為赤縣神州赤縣神州內自有九州
中國外如赤縣神州者九有裨海環之一區
中為一州如此者九乃有大瀛海環其外之
說相似皆儒者所弗道今西洋人所繪坤輿

全圖準南北極黃赤道度數渾圓之內海外
之地正與淮南騶衍之義同莊子云存而不
論可謂善於持論者矣

地理通釋帝堯都世紀帝堯始封於唐今中山唐縣

是也堯山在焉

郡縣志定州唐縣古唐侯國堯唐水
初封於此今定州北有古唐城

在西北入唐河

南有望都縣山即堯母慶都之所居
也相去五十里都山一名亘山北登

堯山南望都山故名縣曰望都地理志堯山在唐縣
南張晏以堯山在唐東北望都北史記堯作游成陽

正義濮州
雷澤縣是後又徙晉陽今太原縣是也於周在并州

之域

通志今平定軍有古晉陽城是其地

及為天子都平陽於詩風為

唐國武王子叔虞封焉季札聞唐之歌曰思深哉其

有陶唐氏之遺民乎括地志今晉州所治平陽故城

是也

輿地廣記晉州臨汾縣本平陽隋改平陽河水一名晉水韋昭云陶唐皆國名或曰堯先居

陶後居唐陶今廣濟軍定陶縣唐今中山府唐縣猶有唐城存焉或曰唐城在絳州翼城西二里括地志

定州唐縣堯後所封漢書音義唐今河東永安去晉四百里即壘也詩譜曰唐帝堯舊都之地今曰太原

晉陽堯始居此書惟彼陶唐有此冀方正義堯都平陽舜都蒲坂

禹都安邑相去不盈二百皆在冀州通志曰自開闢以來皆河南建都雖黃帝之都堯舜禹之都於今皆

為河北在昔皆為河南大河故道自碣石入海碣石
今平州也所以幽薊之邦冀并之壤皆為河南地周
定王五年以後河道埋塞漸移南流至漢元
光三年徙從頻邱入渤海渤海今濱滄間也

帝舜都史記舜耕歷山

書帝初于歷山往于田郡國
志河東蒲坂有雷首山注縣

南二十里有歷山舜所耕處括地志蒲州河中府河
東縣雷首山亦名歷山南有舜井又越州餘姚縣有
歷山舜井濮州雷澤縣有歷山舜井又有姚墟云生
舜處也媯州外城中有舜井城北有歷山皆云舜所
耕處未詳也南豐曾氏曰鄭康成釋歷山在河東世
之好事者因媯水出於雷首遷就附益謂歷山為雷
首之別號不攷其實矣孟子謂舜東夷之人則陶漁
在濟陰作什器在魯東門就時在衛耕歷山在齊皆
東方之地合於孟子圖記謂齊之南山為漁雷澤括
歷山舜所耕處故其城名歷城今濟南府

志雷夏澤在濮州雷澤縣郭外西北鄭康成云在濟陰地理志禹貢雷澤在濟陰成陽縣西北墨子曰舜

漁于濮澤通典澤州陶河濱皇甫謐曰濟陰定陶西陽城縣有濮澤水

軍括地志陶城在蒲州河東縣北三十里即舜所都也南去歷山不遠何必定陶作什器於

壽邱壽邱在魯東門之北今在兗州曲阜就時於負

夏鄭康成云遷於負夏堯曲釐降二女于媯汭媯水名

中府河東縣出歷山入河爾雅水北曰汭括地志媯州有媯水源出城中者舊傳曰即舜媯汭水經注世

本曰舜居饒內在漢中西城或言媯墟在西北舜所居也通典金州西城縣有媯墟帝王世紀謂之姚墟

世本曰饒汭古文尚書周語羸內音媯汭括地志又云姚墟在濮州雷澤縣東十三里會稽舊記云上虞

三十里有姚邱

嬪于虞

括地志故虞城在陝州河北縣東北五十里虞山之上今

平陸縣皇甫謐曰堯以二女妻舜封於虞今河東大陽山西虞城是也舜居虞地以虞為氏郡國志大陽

有吳山上有虞城括地志宋州虞城縣舜後所封外紀本處虞之媯汭號曰有虞氏世紀舜所

營都或言蒲坂即河東縣

今河東中府南二里河東縣界蒲坂故城是也或言平

陽今晉州城是也或言蒲今工谷媯州城是也外紀都蒲坂

右虞十二州

書禹貢禹敷土隨山刊木奠高山大川

傳洪水汎濫禹分布治九州之

土隨行山林斬木通道高山五岳大川四瀆定其差秩祀禮所視

蔡氏集傳敷分也分別土地以為九州也莫定也定
高山大川以別州境也

冀州

雖指傳曰堯所都也正義曰史傳皆云堯都平陽五
子之歌云惟彼陶唐有此冀方是冀州堯所都也又
曰兖州云濟河自東河以東也豫州云荆河自南河
以南也雍州云西河自西河以西也明東河之西西
河之東南河之北是冀州之境也

地理今釋冀州今山西之太原平陽汾州潞安大同
五府澤遼沁三州直隸之順天永平保定廣平順德
宣化六府及真定河間二府西北境大名府濬縣西
境盛京之錦州府河南之懷慶衛輝彰德三府其北
直抵塞外陰山下之北東訖於大遼水也

胡氏渭曰堯都平陽今山西平陽府臨汾縣西南平
陽故城是也 冀西距河河自今塞外東受降城南
而東至山西大同府廢東勝州界折而南經平虜衛

及太原府之河曲保德興縣汾州府之臨縣永寧寧鄉石樓平陽府之永和大寧吉州鄉寧河津滎河臨晉蒲州是為西河與雍分界 冀南亦距河河自蒲州過雷首山折而東經芮城平陸垣曲及河南懷慶府之濟源孟縣溫縣武陟衛輝府之獲嘉新鄉汲縣是為南河與豫分界 冀東亦以河與兗分界自周定王五年河徙之後禹河故道堙廢而冀兗之界難分今案漢志魏郡鄴縣下云故大河在東句北入海

故大河者即王橫所云禹之行河水本隨西山下東

北去者也河自汲縣南東北流至黎陽縣西南出大

伾上陽三山之間

大伾山一名黎陽山今在濬縣東南二里即賈讓所謂東山也伾人

山一名善化山在縣西北二十五里俗名上陽三山即賈讓所謂西山也

濬縣舊志云在

縣西十里蓋禹迹也

河徙由縣東故稱此為西河

自此而北歷蕩

陰安陽鄴縣斥丘

東接內黃魏縣

至列人斥丘章之境左會衡

漳經所謂北過降水也

應劭曰斥丘縣漳水出治北入河杜佑曰漳水橫流至肥

鄉縣界入河斥丘章今曲周縣地肥鄉漢列人縣地蓋漳水由二縣境注於河也河自此東北

入海及定王時南徙則衡漳東出循河故道而下至

東光縣西與大河合王莽時河益徙而南漳水遂專

達於海蓋禹河之故道也以今輿地言之濬縣屬直隸大

名湯陰安陽臨漳並屬河南彰德府成安肥鄉曲周並屬直隸廣平

府平鄉廣宗鉅鹿並屬順德府南宮新河冀州並屬真定府東

鹿屬保定府深州衡水武邑武強並屬真定府阜城獻縣交河

滄州青縣靜海天津並屬河間府皆禹時冀東瀕河之地

中流與兗分界王制謂之東河北播為九河其經流

爾雅謂之徒駭又同為逆河東至碣石入海後世謂之渤海者也

蕙田案冀之東西南皆距河與雍豫充分界處胡氏考之詳矣若冀之東北與青分界及冀之北境則傳記俱無可考胡氏謂遼東為青域遼西為冀域而北當至陰山近是

既載壺口治梁及岐

錐指傳曰壺口在冀州梁岐在雍州從東循山治水

而西正義曰漢書地理志云壺口在河東北屈縣東
南梁山在左馮翊夏陽縣西北岐山在右扶風美陽
縣西北然則壺口西至梁山梁山西至岐山從東而
向西言之也

地理今釋壺口今山西平陽府吉州西南七十里有
壺口山黃河之水注其中如壺然案孔傳梁岐在雍
州今陝西西安府韓城縣西北九十里之梁山鳳翔
府岐山縣東北四十里之岐山也蔡傳疑雍州之山

不當載於冀州指今山西汾州府永寧州東北之呂梁山一名骨脊山者為梁山汾州府孝義縣西之狐岐山一名薛頡山者為岐山然二山去河甚遠不得謂河水所經曾收云壺口梁岐一役也其施功皆同時不可分言於二州故并言於冀州得此可釋蔡氏之疑

胡氏渭曰吉州漢北屈韓城則夏陽岐山則美陽也尸子呂氏春秋淮南子皆言龍門未闢呂梁未鑿河

出孟門之上龍門之上口為孟門在今吉州西西直
陝西延安府之宜川縣其下口即今河津縣壺口山
盡處近世亦謂之龍門者西與韓城之龍門相對上
口至下口約一百六十餘里三子所稱呂梁山即禹
貢之梁山也春秋成公五年梁山崩公羊曰梁山河
上山穀梁曰壅遏河三日不流水經河水南至龍門
口注云昔大禹導河積石疏決梁山謂斯處也即經
所謂龍門矣冀州有三壺口一在吉州西南禹貢

之壺口也一為汾陰縣西南之平山平水所出亦名
壺口山又名姑射山酈道元謬以為尚書之壺口一
在長治縣東南左傳哀四年齊國夏伐晉取壺口杜
注潞縣東有壺口關潞縣即今潞城縣關以山為名
此二山皆非禹貢之壺口也雍州有二梁山一在韓
城縣西北詩所云奕奕梁山也一在乾州西北西南
接岐山縣界即孟子云太王居邠踰梁山者非禹貢
之梁山也

元和志誤以此
山為治梁之梁

壺口山漢志在北屈縣

東南括地志云在吉昌縣西南五十里吉昌今吉州也後魏延興四年於此置定陽郡及縣元和志云北屈故縣在定陽郡二十里正今州直北之地山當在其西南漢志云東南誤也梁山漢志在夏陽縣西北而諸志所言皆不同蓋是山綿亘百里自今郃陽縣西北抵韓城縣西北之麻線嶺皆梁山然向南則蓋西而去河愈遠唯韓城西北之山首枕西河北連龍門當以是為禹鑿之跡耳

蕙田案胡氏考梁岐在雍州較蔡傳為優
觀承案治梁及岐仍以冀州之呂梁狐岐二
山為是方序冀州不應越冀而攬入雍州之
山也夫治水施功當自下流始則宜首事於
兗因尊帝都故先冀而下文即次以兗可徵
何得既尊帝都倏爾突入雍州上游吾恐下
流未洩而上游之水忽來則帝都不將反為
其壑乎則此亦統言壺口既載而呂梁狐岐

諸山亦經略而整理之不必專以治河為言
也即專主治河亦不必專以河岸之山為事
也即如其說梁山枕河而岐山在鳳翔則去
河亦已遠矣何獨呂梁山孤岐宜以遠河為嫌
耶

既修太原至於岳陽

雖指傳曰高平曰太原今以為郡名岳太岳在太原
西南山南曰陽正義曰太原原之大者漢書以為郡

名即晉陽縣是也下文導山云壺口雷首至於太岳
知此岳即太岳也地理志河東彘縣有霍太山周禮
職方氏冀州其山鎮曰霍山即此太岳是也

地理今釋太原即晉陽縣也今山西太原縣是東北
去太原府治四十里蔡傳以為今河東路太原府者
亦統同言之也岳陽太岳一名霍太山今為中鎮在
山西平陽府霍州東三十里山周二百餘里南接岳
陽趙城二縣北接靈石縣東接沁源縣界

胡氏渭曰岳陽就附近山南者言之則為今岳陽趙城二縣蔡氏王岳陽一縣固非然經之所指亦不止此二縣揚雄冀州牧箴曰岳陽是都則堯都平陽亦岳陽也且如華山之陽附近者為商州而山南之地非商州所可盡衡山之陽附近者為衡陽縣而荆之南界非此縣所可盡至若岷山之陽更不知其所屬安得專指灌縣為岷陽哉夫岳陽亦猶是也直抵南河又何疑焉

閻氏若璩曰後至於太岳專指山言此至於岳陽陽字所包者廣蓋既修太原二句直舉一千餘里用功而言也

蕙田案岳陽胡氏閻氏之說是

覃懷底績至於衡漳

錐指傳曰覃懷近河地名漳水橫流入河從覃懷致功至橫漳正義曰地理志河內郡有懷縣在河之北蓋覃懷二字共為一地故云近河地名衡即古橫字

漳水橫流入河故云橫漳漳在懷北五百餘里地理志清漳水出上黨沾縣濁漳水出長子縣東至鄴縣入清漳

胡氏渭曰懷縣故城在今河南懷慶府武陟縣西衡漳一名降水其入河在今直隸廣平府肥鄉曲周二縣界經所謂北過降水者也漢志鄴縣東有故大河北入海又廣平斥漳縣注應劭曰漳水出治北入河道典云衡漳入河在肥鄉縣界蓋河由鄴東而北

漳從鄴北橫流至肥鄉斥章二縣界入河故酈氏以

為禹貢之衡漳也以今輿地言之濁漳水出山西長

子縣發鳩山

縣在潞安府西
少南五十里

東流經長治縣西又東

北經屯留潞城襄垣黎城平順又東經河南林縣至

涉縣東南清漳水注之清漳出山西樂平縣沾嶺

縣在

太原府平定州東南五十
里縣西南有沾縣故城

南流經和順遼州黎城又

東經河南林縣至涉縣與濁漳合流東經安陽彰德

府治

臨漳

在府東北
八十里

又東北經直隸成安縣

在廣平府西
南六十里

入肥鄉曲周二縣界

肥鄉在府東南四十里曲周在府東北四十里

禹貢之

漳降盡於此矣

地理今釋覃懷今河南懷慶府地道典云懷州禹貢覃懷之地是也衡漳清漳水出今山西太原府樂平縣西南三十里沾嶺水經注所謂少山大龜谷也東南至河南彰德府沙縣交漳口會濁漳水又東北流入直隸界至廣平縣分二支一支東行入衛河一支為經流東北行經山東邱縣界復分二支一支北行

入大陸澤一支為經流東北行經直隸清河阜城交河至青縣合衛河北流至天津西沽合桑乾諸水東行入海所謂老漳河也其一支入大陸者亦東北行至天津西沽合諸水入海所謂新漳河也濁漳水出今山西潞安府長子縣西五十里發鳩山亦東南流至交漳口會清漳

觀承案衡漳有清濁二水濁漳出山西長子縣西五十里之發鳩山清漳出山西樂平縣

西南二十里之少山皆經潞安府入河南彰
德府至臨漳縣合流為交彰口由磁州入直
隸境陸清獻畿輔地圖記謂漳河自磁州三
臺口為二支一支東流入成安縣逕肥鄉抵
曲周合滏陽河一支北流入邯鄲縣逕永年
至曲周合滏陽河歷雞澤平鄉任縣隆平寧
晉至冀州滙滹沱河康熙中漳河南徙惟滹
滏滙流今成安故瀆土人稱古漳河而廣平

邱縣清河南宮武邑武強阜城交河皆有漳
河舊瀆稱老漳河廣宗鉅鹿亦有漳河舊瀆
稱小漳河大抵古漳河老漳河皆當日之經
流而小漳河則其支流也又大名府有新舊
二漳河皆自魏縣流入新漳又舊漳之支流
也

又案舊時漳河自臨漳縣東北入直隸廣平
府境歷成安廣平肥鄉曲周雞澤還平鄉合

沙洛諸河過南河合澧河至任縣入大陸澤
歷隆平寧晉新河南宮冀州衡水武邑武強
阜城交河合滹沱河此其經流也其自臨漳
縣東入直隸大名府境歷魏縣大名東北入
山東東昌府境至館陶入衛河者其支流也
今則經流幾絕支流日盛蓋自黃河南徙漳
行河之故道漳復南徙以支流為經流亦古
今水道一大變更也

又案漳河水經注亦曰衡水今衡水縣古時
為漳河下流以此得名下文導河云北過洺
水水經注引地理志曰洺水發源屯留下亂
章津是乃與章俱得通稱方輿紀要冀州有
洺河枯瀆又漳水至寧晉縣歷南宮冀州衡
水武邑武強又名胡盧河又新河縣長蘆水
即漳河支流也武強縣有夾河洺水別名也
括地志濁漳水亦名柳河歐陽志曰漳河過

魏縣亦謂之魏水畿輔地圖記謂衛水為直隸諸河之綱直隸西南諸水莫大於漳與滹沱而皆入衛雖指謂永濟渠即古之清河漢志之國水水經之清淇二水曹公自枋頭遏淇水為白溝一名白渠隋導為永濟渠一名御河今稱衛河者也水經注清河即淇河口也蓋互受通稱耳又云白溝又東北漳水注之謂之利漕口自下清漳白溝淇河咸得通

稱也方輿紀要御河源出河南輝縣西北七
里之蘇門山過衛輝府東北入直隸大名府
濬縣境謂之白溝亦曰通濟渠一名永濟渠
即隋大業中所開淇衛諸水之下流也亦曰
御河又曰清河寰宇記衛河淇水合流亦曰
黎水又曰濬水今金漳皆入衛至山東臨清
州合會通河東北入於海

恒衛既從大陸既作

錐指傳曰二水已治從其故道大陸之地已可耕作
正義曰地理志云恒水出常山上曲陽縣東入涇水
衛水出常山靈壽縣東入滹沱大陸在鉅鹿縣北釋
地十數云晉有大陸孫炎等皆云今鉅鹿縣廣阿澤
也

胡氏渭曰上曲陽今為曲陽縣屬直隸真定府之定
州其故城在縣西靈壽縣今屬真定府其故城在縣
西北恒即涇水衛即滹沱也古今異名耳

地理今釋恒水一名長溪源出恒山自直隸真定府

阜平縣龍泉關北迤邐流經大沚山為大沚水亦曰

沙水又東南至保定府祁州界合磁河入於唐水唐

水即滏水也衛水今名雷溝河出真定府靈壽縣良

同村南流至縣東南入滹沱河大陸一名廣阿澤跨

今直隸保定府東鹿縣元和志大鹿澤一名鉅鹿澤順德府鉅

鹿縣元和志大鹿澤一名鉅鹿澤真定府隆平縣通

趙州昭慶縣有大陸澤元和志廣寧晉縣明一統志

阿澤在趙州昭慶縣東二十五里寧晉縣有

葫蘆河即

深州

通典深州陸澤縣禹貢大陸澤在此元和志深州陸澤縣南三里即大陸

澤

上承漳沱滏陽漳唐諸河水匯為巨浸又東北流

為新漳河至大城縣為子牙河至天津衛入海漢書
溝洫志禹之行河水本隨西山下東北去鉅鹿正在
西山之下自是大河所經程大昌以為鉅鹿去河絕
遠未嘗逕邢以行非也當從孫炎之說為是

胡氏渭曰周禮職方氏并州山鎮曰恒山其川虡池
嘔夷嘔夷即後世所謂滹水也山海經曰高是之山

涇水出焉東流注於河漢志代郡靈邱縣下云涇河

東至文安入大河

文安屬勃海郡寰宇記云文安故城在今縣東北三十里

過郡

五行九百四十里并州川禮記晉人將有事於河必

先有事於惡池注云惡當為庠字誤也山海經曰大

戲之山滹池之水出焉戰國策蘇秦說燕曰南有滹

沱易水漢志代郡鹵城縣下云庠沱河東至參合入

庠沱別并州川從河東至文安入海過郡六行千三

百七十里

參合當作參戶蓋傳寫者因郡有參合而誤參合在漢雁門郡平城縣東今大同府

陽和衛北鹵城與參合大山隔絕。庠沱不得至其地。今河間府青縣南有參戶故城。應劭云平舒縣西南五十里有參戶亭故縣也。水經注：漳水自成平縣南又東北，左會庠沱，別河故瀆。又東北合清河，又東北逕章武故城西，枝瀆出為穢水。又東北逕參戶亭，分為二瀆：一水逕參戶亭北，又東北逕平舒縣，注庠沱。蓋即漢志所謂東至參戶入庠沱，別從河東至文安入海者也。此即禹貢之恒衛也。

然禹主名山川，曲陽以下之滏，本名恒靈壽以下之滹沱。本名衛，其出高是泰戲者，則恒衛之別源也。自周以庠池嘔夷為并州之川，其名著而恒衛之名遂隱。於是冀州二大川以恒陽溪雷溝河數十里之原。

委當之蔡氏因目恒衛為小水而經義不可通矣

滏水出代郡靈邱縣西北高氏山即嘔夷之水也以

今輿地言之渾源靈邱廣昌

並屬山西大同府

曲陽

屬直隸真定府

唐縣定州慶都祁州博野蠡縣高陽安州新安

並屬保定

府任邱

屬河間府

文安

屬順天府

諸州縣界中皆古滏水之所

行也宋初猶未改自咸平中何承矩興塘灤以限契

丹戎馬之足於是始引水歸北而文安之瀆遂空其

後滏水仍自蠡縣改流經肅寧河間雄縣任邱以至

文安而不復北行明時則又自雄縣改流入霸州保定界為玉帶河不復入文安矣此恒水下流變徙之大略也 滹沱大川也水經當自為一篇頃閱寰宇記鎮州真定縣蒲澤下引水經注云滹沱河水東逕常山城北又東南為蒲澤濟水有梁焉俗謂之蒲澤口又滋水下引水經云滋水又東至新市縣入滹沱河又深州饒陽縣枯白馬渠下引水經云滹沱河又東有白馬渠出焉又瀛州河間縣大浦淀下引水經

注云大浦下導陂溝競奔咸注滹沱是故人因決入之處謂之百道口此四條檢今本無之則似水經元有滹沱水篇宋初尚存而其後散逸滹沱原委不可

得詳惜哉

歐陽元補正水經序引崇文總目云酈注四十卷亡其五蓋涇洛滹沱等篇皆在此

五卷之中今本仍為四十卷則後人析之以充其數耳

漢志代郡之鹵城常山

郡之蒲吾靈壽南行唐新市信都國之信都河間國之弓高樂成勃海郡之成平東光參戶東平舒文安皆有滹沱河弓高樂成參戶又有滹沱別水而發源

經過之地未悉今據元和志所載以補水經之闕渚

沱水出代州繁時縣泰戲山

一名武夫山在縣東南九十里繁時本漢後人

縣屬雁門郡漢末荒廢晉改置繁時縣周省隋復置後音環渚沱一名沱水許氏說文沱水出後入縣戍

夫山郭景純以為鹵城縣武夫山括地志以為孤阜山寰宇記以為平山蓋皆泰戲之別名也西南

流逕唐林縣東

縣東北至代州一百十里本漢廣武縣隋為五臺亭二縣地今州西有廣

武廢縣蓋即唐林縣界也又西南逕亭縣東

縣東北至代州五十里水去縣二百步

又西南逕秀容縣東

縣為忻州治水去縣三十二里

東轉逕定襄縣

北

縣西至忻州四十五里今治即陽曲故城水去縣五里

又東逕五臺縣西南

縣西北至代一百二十里又東逕孟縣北縣西南至太原府二百二

十里水西自五臺縣界流入南去縣百里又東南逕靈壽縣西南衛水注

之縣東至恒州五十里水去縣二十里縣志云衛水在縣東十里俗名雷溝河源出縣東北十四里良

同村南流至縣又東南逕真定縣北縣為恒州治水去縣一里又

東南逕九門縣西縣西至恒州三十里水去縣四十里今藁城縣西北二十五里有

九門又東南逕藁城縣東縣西北至州五十八里水去縣二十九里又東

逕鼓城縣北縣西至恒州九十五里水去縣十三里寰宇記云隋開皇六年分藁城地置昔

陽縣十八年改為鼓城又東逕深澤縣南縣西北至定州九十里水去縣二十五里

即冰合渡光武處
俗謂之危渡口

又東逕無極縣北

縣北至定州八
十里水去縣三

十里又東北逕鹿城縣西北

縣東至深州二十五里水
去縣四十二里與博野縣

分水窠字記滹沱河在
博野縣東南三十五里

又東逕安平縣南

縣東南至
深州五十

三里水去縣二十三里
河自定州義豐縣界流入

又東北逕饒陽縣

北

縣西至深州三十里水去縣四十五里縣治晉魯
城也公孫淵叛司馬宣王征之鑿滹沱入泚水

以運糧因築此城蓋滹沱有魯沱之名因號魯
口後魏道武皇始三年車駕幸魯口即此地也

自此

以下當入瀛莫二州境而元和志亦闕案寰宇記瀛

州河間縣西二十里高陽縣東北十四里莫州鄭南

二里霸州大城縣北一百三十里文安縣西北三十

里皆有滹沱水此即漢志所云從河東至文安入海

者以今輿地言之繁時代州寧縣忻州定襄五臺孟

縣

並屬山西太原府

靈壽真定藁城深澤無極

並屬直隸真定府

東

鹿博野

並屬保定府

安平饒陽

並屬真定府

高陽

屬保定府

任邱

屬河

間

大城文安

並屬順天府

諸州縣界中皆古滹沱水之所

行也宋初猶未改自塘灤既興引水歸北而文安之

瀆堙廢遂以樂成

今獻縣

之滹沱別水為滹沱之正流

而故道不可復問明天啟後漸徙而南至本朝順治二年自東鹿南決入冀州與漳水渾濤而安平饒陽之地不復有滹沱矣滹沱在河北羣川中溢決尤甚未有數年不變而從冀州合於漳水亦猶黃河之與淮合均為古今水道之極變也

觀承案恒入滹衛入滹沱自古而然諸書無異獨錡指謂恒即滹衛即滹沱蓋以今恒水由唐縣入滹衛水由真定縣入滹沱源流甚

近不足當禹功荒度故以蔡傳稱小水者為
非不知滄桑異勢泥今論古多有未合康熙
二十三年陸清獻宰靈壽為衛水尋源記適
歲旱源竭以為非但無唐虞之汎濫比班孟
堅酈道元之時亦迥然不侔又謂今松陽淤
泥慈汊諸河皆近於衛安知禹時不同匯於
此豈可據目前所見而遙斷數千年以前之
形勢此真大儒之言胡氏又謂曲陽以下之

涇本名恒靈壽以下之淳沱本名衛其出高是泰戲者乃恒衛別源言尤鑿空考古者以清獻為法可矣

又案山海經高是之山涇水出焉水經注涇水出代郡靈邱縣正北高是山即嘔夷之水也明史地理志渾源州南有翠屏山涇水出焉與嘔夷水合靈邱縣有槍峯山即高是山嘔夷水出焉其說與二經不同讀史方輿紀

要唐河在唐縣西三十里古嘔夷水也與二經合雖指引蔚州志謂州南七里有翠屏山涇水出其東即高是之別名南接靈邱縣界與明史又異要當以山海經水經為正

又案地理今釋謂恒水自直隸真定府阜平縣龍泉關北流經大派山為大派水亦曰沙水云云蓋本晁氏今之恒水西南流至真定府行唐縣東流入於滋之說考沙水發源山

西繁時縣白坡頭流逕直隸阜平曲陽行唐
新樂讀史方輿紀要大泝山在阜平縣西北
五十里稍東為小泝山泝音孤以泝水所逕
而名是山以水為名畿輔通志沙河流逕大
泝山又名泝水是水以山為名二說雖不同
然恒與沙迥然兩水固不可合而為一也

又案滏水今名唐河出山西靈邱縣入直隸
廣昌縣逕唐縣過完縣曲陽定州至祁州合

滋沙二水過博野安平蠡縣高陽由安州入
白洋淀考水經叙滏水所逕先曲陽後唐縣
今唐河自入倒馬關由唐縣北逕完縣西又
由完縣西逕唐縣南再逕曲陽縣東與晉少
異當是古今疆域不同故也至山海經謂滏
水入河水經謂滏水入易而今入淀蓋滏自
合滋沙二水於祁東逕博野蠡縣又東逕肅
寧高陽自河間北流歸淀明正德中蘭家圈

口北決遂由玉田緒口北入高陽是為馬家河至安州之桐口村入淀逕肅寧之河遂廢康熙四年又決布裏河北流至安州之馮村入淀馬家河上下流亦淤畿輔通志謂唐河故瀆在河間任邱二縣境此合易之故瀆也自明迄今入淀之處又凡再徙而入河故瀆不可考矣此恒水下流之變遷也

又案衛水出靈壽縣良同村流四十里入滹

沱漳沱出山西太原府繁峙縣泰戲山由雁門入直隸流逕二省幾及千里大小判別尤非恒滹之此故水經於恒滹有通稱之說而衡滹沱不聞是也陸清獻畿輔地圖記滹沱河在真定府南八里發源山西流經直隸靈壽平山遶真定府城南歷藁城晉州東鹿至冀州會滏漳二河過衡水武邑武強至河間府獻縣為二支一東流為鹽河一南流交河

縣抵青縣岔河口入衡水經注漳水逕武邑
郡南又東逕武強縣北又東北逕武隧故城
南白馬河注之上承庠池東逕樂鄉縣北饒
陽縣南又東南逕武邑郡北而東入衡水謂
之交津口此漳沱衡漳匯流處也方輿紀要
衡漳漳沱皆入大陸澤正德十年漳徙而南
明年漳沱徙而北萬歷中漳沱復南徙武強
合漳河後又匯漳滏於冀州今漳河南徙已

不復與滹沱滙而滹沱至冀州入滏以大就
小下流不暢上流之勢彌橫矣

又案方輿紀要饒陽北有鐵燈竿河滹沱自
此決入蠡縣與滋沙唐混流謂之鐵燈竿水
是則明代滹沱不徙南滙漳且北滙唐矣所
謂決入蠡縣者其支流而非經流也方輿紀
要又謂晉州之鴉兒河饒陽之饒河皆滹沱
支流云

又案滹沱南徙滙漳河在順治初漳河南徙
不復與滹沱滙在康熙中其入衛則如故故
陸清獻以衛白二河為直隸諸河之綱百年
來水道變遷不一而足然今京北諸河猶皆
入白京西南諸河猶皆入衛於至變之中有
不變者存豈非天地自然之道耶

又曰冀州有三大陸一在鉅鹿郡北班固繫諸禹貢
又名鉅鹿澤呂氏春秋云趙有鉅鹿又名廣阿澤爾

雅晉有大陸孫炎云今鉅鹿縣廣阿澤是也此真禹

貢之大陸也一在河內修武縣

古寧邑秦置修武縣其故城在今獲嘉縣

西北左傳定公元年魏獻子田於大陸還卒於寧杜預

云大陸疑即吳澤陂近寧是也一在太原鄆縣

今為介休

縣地班固云九澤在縣北是為昭餘祁并州數酈道元

云呂氏春秋謂之大陸是也斯二者皆非禹貢之大

陸也

觀承案大陸澤雖指考之最悉今在任縣境

東北隅纔八百頃耳西南受順廣二府之水
北歸寧晉泊泊之大三倍於澤相去三十餘
里其間村落基布秋水時至常苦泛溢考古
時大陸澤起自鉅鹿訖於東鹿中跨平鄉任
縣隆平寧晉冀州深州而今止任寧二邑已
分為二奪澤之地以田以廬水發無所容焉
得不為民患方輿紀要胡盧河在寧晉縣東
南二十里即禹貢之大陸澤今乃以澤歸任

縣而寧晉稱洎亦流俗之譌也

又案禹時大陸為河所經故一曰大陸既作
一曰至於大陸其不言澤者舉澤不足以舉
大陸舉大陸則澤在其中省文也爾雅高平
曰陸河逕高平之地潞而為澤故又曰廣河
澤是則澤以地得名胡氏釋禹貢必謂是地
非澤固哉高叟之為詩也

夾右碣石入於河

錐指傳曰碣石海畔山正義曰地理志碣石山在北平驪城縣西南是碣石為海畔山也蘇氏曰河自碣石山南渤海之北入海夾挾也自海入河逆流而西右顧碣石如在挾掖也

地理今釋碣石案漢書地理志云大碣石山在右北平郡驪城縣西南武帝紀注文潁云碣石在遼西系縣系縣今罷入臨渝此石著海旁蓋驪城即今直隸永平府撫寧縣系縣即今昌黎縣二縣壤地連接杳

無碣石踪跡而海水蕩滅之說又荒誕不可信考肇域志云山東濟南府海豐縣有馬谷山即古碣石劉文偉亦以馬谷山在古九河之下合於禹貢入河入海之文斷爲碣石無疑近世論碣石者惟此說庶幾近之

蕙田案碣石自漢志後其說不一據漢志石北平驪成縣下云大碣石山在縣西南莽曰碣石遼西郡系縣下云有碣石水南入官不

言有山及文穎注武紀始有系縣之說與班
異其地當在今昌黎縣東系縣故城之南水
經曰碣石在遼西臨渝縣南水中酈注云大
禹鑿其石右夾而納河秦始皇漢武帝皆常
登之海水西侵歲月逾甚而苞其山故言水
中矣又云漢司空掾王璜言碣石在海中信
而有徵胡朏明宗其說辨論極詳謂今海中
無此山碣石之亡當在魏齊之世此主海水

蕩滅之說者也而元王充耘有合口御河入海處石山聳立俗呼為竭石明劉世偉又云海豐縣北馬谷山疑即古之碣石胡朮明皆非之至於括地志謂在盧龍縣南唐志及寰宇記則又云石城縣有碣石都無足據學者闕其疑可也

觀承案碣石自當闕疑夾右亦不可強解然有一說夾即古陝字此蓋總序冀州貢道西

自陝右東自碣石俱已入於河入河則達帝都矣如西河渭汭總括雍州之例耳此說固

自可存

胡氏渭曰冀州為中土古軒轅陶唐有虞夏后殷人所都及實沈臺駘孤竹之封皆在焉春秋時可考者

晉

古實沈之虛唐人是因以服事夏商及周成王魏滅之以封弟叔虞為唐侯至子變改名曰晉

霍冀黎

書西伯戡黎黎即揚郇或作荀賈沈如蓐黃帝封

于汾川沈如蓐

潞赤狄邲鄆衛

始封在

邢共凡原雍

黃實守其祀

邢虞檀温中山鼓肥鮮虞薊北燕韓無終山戎凡三
十五國戰國時屬燕趙魏而秦衛亦兼得其地秦并
天下置三十六郡此為鉅鹿邯鄲上谷漁陽右北平
遼西河東上黨太原代郡雁門雲中三川

北境是

漢武

置十三州此為冀州

領郡國九

幽州

領郡國十

并州

領郡國九

後漢

魏晉並因之

晉冀州領郡國十三
幽州七并州六

南北朝土地分裂增

置漸多不可勝紀唐承隋制州即是郡貞觀初因山
川形便分天下為十道開元中又析為十五道此為

河北道之汲郡

衛州鄴郡

相

廣平

治

鉅鹿

邢

信都

冀

趙

郡

趙常山

鎮博陵

定

河間

瀛

文安

冀

饒陽

深

上谷

易

范陽

順義

順歸化

今順

歸德

燕

媯川

媯

漁陽

薊

密

雲

檀北平

平柳城

營

等郡

河東道之

河東

蒲

絳郡

絳

絳

陝郡

陝北平陽

晉

高平

澤

上黨

潞

樂平

儀

陽城

沁

大

大

寧

隰文城

慈

西河

汾

太原

并

昌化

石

雁門

代

定襄

忻

安邊

蔚馬邑

朔

雲中

雲

等郡

又都畿之

河內郡

懷

關

州

關

內道之單于大都護府案以上通典所列信都當全

屬兗鄆郡之內黃堯城臨河汲郡之黎陽東境當今

屬兗以今輿地言之山西太原平陽汾州潞安大同

五府澤遼沁三州河南則懷慶衛輝彰德三府

唯衛輝之

昨城縣舊在大直隸則順天永平保定廣平順德五

河之南當屬兗

府及真定河間二府之西北境

當以漢時漳水故道為界水西屬冀水東

屬兗大名府濬縣之西境

以宿胥故瀆為界西屬冀東屬兗

又新置宣

化府

舊為萬全都司

及故遼東都司之西境

以大遼水為界西屬冀東屬青

其北則踰塞直抵陰山下西起東受降城之北東訖

於大遼水皆古冀州域也

濟河惟兗州

錐指傳曰東南據濟西北距河渭案濟自河又東北會於汶又北東入於海此兗之東南與豫徐青分界處河自大伾北過降水至於大陸又北播為九河同為逆河入於海此兗之西北與冀分界處東南據濟與豫分界當自兗州府之曹州始何以知之案導水濟入河溢為滎東出於陶邱北又東至於河河澤

在今定陶縣境經繫諸豫雷夏在今曹州境經繫諸
兗故知二澤之間為兗豫之界也濟水至曹州西分
為二水一水東南流為荷水一水東北流入鉅野澤
為濟瀆春秋僖公三十一年取濟西田左傳云分曹
地自洮以南東傳於濟酈道元云濟水自是東北流
出巨澤即此地也濟水又北過東昌府之濮州范縣
東與徐分界又北為陽穀往平東與青分界轉東為
濟南府之齊河濟陽齊東青城又東為青州府之高

苑博興樂安

樂安縣東北一百十里有琅槐故城漢屬千乘郡濟水入海處也

南與

青分界今歷城以東有小清河即濟水入海之故道

其北為兗南為青也 西北距河與冀分界河自今

河南衛輝府昨城縣北東至直隸大名府濬縣大伾

山西折而北經河南彰德府界中又東北經直隸廣

平順德真定河間四府界中東入於海此禹河之故

道曲周以下即漢時漳水之所行也

九河既道

錐指傳曰河水分為九道在此州界平原以北是正義曰河從大陸東畔北行而東北入海冀州之東境至河之西畔水分大河東為九道故知在兗州之界平原以北是也釋水載九河之名云徒駭太史馬頰覆釜胡蘇簡絜鉤盤鬲津也漢書溝洫志成帝時河隄都尉許商上書曰古記九河之名有徒駭胡蘇鬲津今見在成平東光鬲縣界中自鬲津以北至徒駭其間相去二百餘里是知九河所在徒駭最北鬲津

最南蓋徒駭是河之本道東出分為八枝也許商上
言三河下言三縣則徒駭在成平胡蘇在東光鬲津
在鬲縣其餘不復知也爾雅九河之次從北而南既
知三河之處則其餘六者太史馬頰覆釜在東光之
北成平之南簡絜鉤盤在東光之南鬲縣之北也其
河填塞時有故道鄭元云今河間弓高以東至平原
鬲津往往有其遺處夏氏曰九河之名出於一時之
偶然初無義訓李巡孫炎郭璞皆附會曲為之說渭

案漢成平東光屬勃海郡鬲縣屬平原郡弓高屬河間國今直隸河間府交河縣東有成平故城東光縣東有東光故城阜城縣西南有弓高故城山東濟南府德州北有鬲縣故城皆漢縣也蓋河自大陸以北禹疏為九道以殺其勢然後恒衛可得而治大陸盡為良田也

地理今釋案孔穎達九河疏徒駭在成平胡蘇在東光鬲津在鬲縣此祖漢許商徒駭最北鬲津最南之

言也其餘六者復據爾雅九河之次謂太史馬頰覆
釜在東光之北成平之南簡絜鉤盤在東光之南甬
縣之北蔡傳以太史河不知所在又合簡絜為一與

孔疏異今考直隸河間府滄州

自唐迄元滄州治清池縣

之西交

河縣

漢成平縣

之東北六十里有徒駭河漢書地理志所

謂滹沱河民曰徒駭河是也山東濟南府平原縣北

有篤馬河東北經陵縣德平商河

隋唐為清河縣

樂陵諸縣

界其流或斷或續相傳即馬頰河也濟南府德州有

覆釜河東北至海豐縣入海河間府東光縣東南有

胡蘇河東經寧津縣

唐臨津縣

滄州

漢饒安縣在州東南

慶雲縣

唐

為無棣縣界至海豐縣入海河間府南皮縣城外有簡河

絜河二河相去最近濟南府樂陵縣東南有鉤盤河

自平原德平二縣界流入至海豐縣東入海德州西

南有鬲津河東經吳橋寧津德平樂陵慶雲諸縣界

至海豐縣大沽口入海其太史河據齊乘在清滄二

州之間明一統志亦云在南皮縣北今其地雖無顯

跡然以孔疏參之明一統志亦非無據蓋九河故道
自春秋時已湮廢遷徙漢唐以來諸儒訪求古跡就
所見之斷港絕潢指為某河某河似乎是非不可知
然河自大陸以北順勢下趨禹時九河自當在德州
以上河間數百里之地考之於古驗之於今是亦可
信也已

閻氏若璩曰余嘗往來燕齊西道河間東履清滄熟
訪九河故道蓋昔北流衡漳注之河既東徙漳自入

海北流之漳古徒駭河歟踰漳而南清滄二州之南
有古河隄岸數重地皆沮洳沙鹵太史等河當在其
地滄州之南有大連澱西踰東光東至海此非胡蘇
河歟澱南至西無棣縣百餘里間有曰大河曰沙河
皆瀕古隄縣北地名八會口縣城南枕無棣溝茲非
簡絜等河歟東無棣縣北有臨河濶數里西通德棣
東至海茲非所謂鉤盤河歟濱州北有士傷河西踰
德棣東至海茲非鬲津河歟士傷河最南比他河差

狹是為鬲津無疑也

此本夏彞仲之言

蔡氏集傳乃曰自漢

以來講求九河皆無依據祖王橫之言引碣石為證
謂九河已淪於海余案禹貢文北過降水至於大陸
又北播為九河同為逆河入於海大陸在邢趙深三
州之地爾雅之廣阿澤也去海岸已數百里又東至
海中始叙九河則大陸與九河相離千里如是之遠
而絕無表志不合禹貢之文其不可信一也王橫謂
海溢出浸數百里而青兗營平郡邑不聞有漂沒之

處而獨浸九河其不可信二也今平原迤北清滄之間雖為樹藝城邑相望而地形河勢高隱曲折往往可尋但禹初為九厥後或三或五遷變多寡不同必欲按名而索故致後儒紛紛之論

胡氏渭曰漢時言九河以為不可考者平當云九河今皆寘與填同滅馮遂云九河今既滅難明王橫云九

河之地已為海所漸是也然許商所言實有其地就三河推之其餘大槩可知九河豈真湮滅無遺迹邪

而近世學者又患求之太詳凡後人所鑿以通水而
被新河以舊號者悉據以為禹之九河杜氏通典於
許商所得之外又得其三鉤盤在景城郡界馬頰覆
釜在平原郡界惟太史簡繫三河未詳處所而史記
正義云簡在貝州歷亭縣界輿地廣記云簡繫在臨
津金地理志云南皮縣有潔河明一統志云太史河
在南皮縣北則此三河者亦皆犂然有其處所矣以
漢人所不能知而一一臚列如此可信乎不可信乎

蔡傳云或新河而載以舊名或一地而互為兩說皆似是而非無所依據此言是也求九河者正不必尺寸皆合於禹之故道亦不必取足於九許商言自是以北至徒駭間相去二百餘里今河雖數移徙不離此域韓牧以為可略於禹貢九河處穿之縱不能為九但為四五宜有益此真通人之見知此者可與窮經可與治水矣

雷夏既澤灘沮會同

雖指傳曰雷夏澤名灘沮二水會同此澤正義曰地理志云雷澤在濟陰成陽縣西北渭案今山東兗州府曹州東北六十里有成陽故城北與東昌府濮州接界雷夏在曹之東北濮之東南史記云堯作游成陽舜漁於雷澤即此灘沮二水漢志無文括地志曰雷夏澤在濮州雷澤縣郭外西北通典雷澤縣本漢成陽縣元和志雷澤縣西北至濮州九十里案北齊廢成陽隋復以其地置雷澤縣唐宋因之金又廢今曹州東北六十里故雷澤城是灘沮二水在澤西北平地元和志曰灘水沮

水二源俱出雷澤縣西北平地去縣十四里又曰雷
夏澤在縣北郭外灘沮二水會同此澤與孔傳符矣
地理今釋雷夏今山東東昌府濮州東南有雷澤接
曹州界水經注云雷澤在大成陽故城西北十餘里
其陂東西二十餘里南北十五里即舜所漁也元和
志灘水沮水俱在濮州雷澤縣西北平地去縣四十
里九域志濮州有沮溝即禹貢灘沮會同是也宋時
河決曹濮間灘沮源適當其衝久而泥滓填淤二水

遂涸蔡傳乃欲以汧睢當之非是韓汝節云汧睢在
豫徐之境無與於兗州而兗州自有灘沮也

浮於濟漂達於河

錐指傳曰濟漂兩水名正義曰地理志云漂水出東
郡東武陽縣至樂安千乘縣入海過郡三行千二十
里其濟則下文具矣渭案今山東東昌府朝城縣西
有東武陽故城青州府高苑縣北有千乘故城皆漢
縣河謂南河之尾漂首受河處也孟子曰禹疏九河

滹濟漯皆在兗域而經於濟漯不言施功以貢道見之曰浮於濟漯則二水之治可知矣

地理今釋漯今山東東昌府朝城縣北有漯河濟南府禹城縣西二里有漯河一名源河俗又名土河東北入臨邑縣界案朝城漢之東武陽縣高苑漢之千乘縣禹城漢之高唐縣也蓋漯水本出高唐至于乘入海自禹導河至大伾始分河之一支

史記禹厠二渠以引其河

注其一東北流首經東武陽至高唐合漯水自合漯則漯川

水則高唐以南武陽以北之河皆被以漂名矣故漢志於平原郡高唐注則云漂水所出於東郡東武陽則云禹治漂水東北至千乘入海疏解漂水源流固自瞭然蔡傳未究斯旨又誤解程大昌此河乃漢河元非禹河之語竟不知漂水所在善乎陳師凱書傳旁通曰程氏之意非指漂為漢河蓋指漂入河處所受河水乃漢以後所徙頓邱之河非禹時澶相以北之河其漂水仍以東武陽為是也

胡氏渭曰兖州有古帝顓頊之虛

杜預曰東郡濮陽縣故帝顓頊之虛

故曰扁觀有窮昆吾韋顧之封皆在焉春秋時可考

帝邱

文公遷于楚邱成公又遷于帝邱

邲胙燕

南燕姑姓

凡四國戰國時

為衛魏宋齊趙五國地秦并天下置東郡碭郡

東北境是

齊郡

北境是

鉅鹿上谷

二郡東境是

漢復置兖州

領郡國八

後漢

魏晉並因之唐為河南道之靈昌

滑州

濮陽

濮濟陽

東平鄆等郡河北道之清河

貝州

魏郡

魏郡

博平

平原

德樂安

棣景城

等郡案以上通典所列有當往屬

者東平之須昌鉅鹿宿城及壽張之東境

此為東原大野之地

須昌宿城壽張三縣故城並在今東平州界鉅野故城在今鉅野縣西

魯郡之任城龔

邱

任城今為濟寧州及嘉祥縣之東境龔邱今為寧陽縣並在今古濟水東

改屬徐濟陰

之南華

在荷澤西今為東明縣

靈昌之匡城

在南華西今為長垣縣

改屬

豫濟陽之長清

今屬濟南府

及東阿之東境

今東阿縣是

平陰

之北境改屬青其南境改屬徐也

平陰側岱跨南又北故分屬青徐

有當來屬者龔城信都郡及鄴郡之內黃堯城臨河

內黃堯城二縣故城並在今內黃縣界臨河故城在今滑縣北

汲郡之黎陽東境其

豫域則濟陰之乘氏也

乘氏在荷澤東今為曹州

以今輿地言之

河南衛輝府之昨城縣

昨城本在河南自金明昌五年河徙出縣南而縣始為河

北直隸大名府

唯濬縣之西境當屬冀長垣東明二縣當屬豫

及真定河間

二府之東南境

當以漢時漳水故道為界東南屬兗西北屬冀

山東則東昌

府其兗州府則曹州陽穀壽張鄆城濟南青州二府

則西北境

當以漢時濟水故道為界西北屬兗東南屬豫徐青

皆古兗州域也

海岱惟青州

雖指傳曰東北據海西南距岱顏氏

師古

曰岱即太山

也渭案成王賜太公履曰東至於海季札聞齊音曰
表東海者其太公乎齊湣王謂張儀曰齊僻陋隱居
東海之上是東據海也而傳兼言北楚子謂齊侯曰
君處北海蘇秦說齊王曰北有勃海蓋自今成山以
至樂安者是也故云東北據海然自朝鮮以至日照
皆青也所遺多矣專言東則固可該琅琊與朝鮮也
地理志岱在泰山郡博縣西北今山東濟南府泰安
州東南有博故城山在州北五里於故城為西北也

公羊傳曰越在岱陰齊蘇秦說齊王曰南有泰山史記曰泰山之陽則魯其陰則齊岱主南言與徐分界也而傳兼言西則岱不足以表其界蓋青西以濟為究界齊語正封疆西至於濟其明徵也北自琅槐以西亦以濟為究界故王莽改漢齊郡曰濟南而經不言濟者蒙究濟河之文從可知也傳兼言西則欲密而反疎甚矣說經之難也青之東境登萊二府之地斗入大海中東西長八九百里形如吐舌史記齊

世家云齊自泰山屬之琅邪北被於海膏壤二千里
蓋并登萊計之也海水自日照縣東與徐分界岱
南與徐分界處嘗考齊長城故址而約略得之管子
曰長城之陽魯也長城之陰齊也是春秋時已有長
城矣竹書紀年曰梁惠成王二十年齊築防以為長
城城緣河徑泰山千餘里東至琅邪臺入海齊記曰
齊宣王乘山嶺之上築長城東至海西至濟州千餘
里水經注云濟水自臨邑縣東又北逕平陰城西京

相璠曰平陰齊地在濟北盧縣故城西南十里

今長清縣

西南二十五里有盧縣故城

南有長城東至海西至濟河道所由

名防門去平陰三里齊侯塹防門即此也其水引濟

故瀆尚存又云朱虛縣泰山上有長城

泰山東泰山也亦名小秦

山在臨朐縣南百里朱虛故城在縣東

西接岱山東連琅邪巨海千有

餘里蓋田氏之所造括地志云長城西北起濟州平

陰縣緣河歷泰山北岡上經齊州淄州東至密州琅

邪臺入海

臺在州治諸城縣東南百四十里琅邪山上

元和志云故長城

首起平陰北二十九里通典云盧縣有長城東至海

蘇代說燕王曰齊有長城鉅防鉅防即防門也寰宇

記云諸城縣南四十里有長城東南自海迤邐上大

朱山盡州南界二百五十里

大朱山南距琅邪臺六十里

今案齊

長城橫絕泰山縣地千餘里自平陰而東歷肥城在

北長清

在縣南

泰安

在州西北六十里

萊蕪

在縣北

淄川

在縣南

沂

水

在縣北九十五里

臨朐

在縣南又有穆陵關在大峴山上西接沂水縣界

莒州

在

北以訖於諸城

在縣南七十里

皆有故趾此雖後人所築然

皆因岡阜自然之勢為之禹時青徐分界亦必以此也青西及北以濟為界鄭漁仲云不言濟者以兗州見之也案水經注濟水自臨邑過平陰盧縣歷城臺縣梁鄒臨濟安平樂安利縣至琅槐入海以今輿地言之平陰長清齊河歷城界中之大清河及章邱鄒平長山新城高苑博興樂安界中之小清河即漢時濟水會汶入海之故道古青兗分界處也青之東北界無可考疏云越海而有遼東之地恐未盡通

典云青州之界東跨海從岱山東歷密州東北經海曲萊州越海分遼東樂浪三韓之地西抵遼水此說近是然三韓地太遠而元菟不可遺竊疑漢武所開二郡皆古隅夷之地在青州之域者而三韓不與焉蓋隅夷義和之所宅朝鮮箕子之所封不應在化外先儒但云有遼東非也漢書言東夷天性柔順異於三方之外故孔子悼道不行設浮於海欲居九夷後漢書言東夷率皆土著喜飲酒歌舞或冠弁衣錦器

用俎豆所謂中國失禮求之四夷者也觀其土俗則
青之東北界不止於遼東明矣史記秦始皇本紀云
地東至海暨朝鮮北據河為塞並陰山至遼東朝鮮
列傳云自始全燕時略屬真番朝鮮為置吏築鄣塞
秦滅燕屬遼東外徼燕秦之所經略蓋禹貢嶠夷之
地唐一行所謂北戒山河抵恒山之右乃東循塞垣
至濊貊朝鮮以限戎狄者是也明遼東都指揮使
司兼轄漢遼東西二郡之地都司城西四百二十里

為廣寧衛本遼東無慮縣也衛西幽州域衛東營州
域都司城東至鴨綠江五百六十里與高麗分水太
康地志云樂浪遂成縣有碣石長城所起通典云在
今高麗舊界蓋即蒙恬所築起臨洮至遼東者也東
漢以來故趾湮沒都司城北至三萬衛三百三十里
古肅慎氏地衛西有開元城金置會寧府號為上京
禹貢青州之北界當極於此衛東北距長白山千餘
里其水北流為混同江南流為鴨綠江唐書東夷傳

云高麗馬訾水出靺鞨之白山色若鴨頭卽此江也
都司城南至旅順海口七百三十里去登州不遠順
風揚帆信宿可達明初遼東士子附山東鄉試後以
渡海之艱改附順天猶周之并營於幽也

嶠夷既略

錐指傳曰嶠夷地名正義曰卽堯典宅嶠夷是也金
氏曰青州實跨海而有東夷兼堯命羲和宅嶠夷以
候正東之景故特表於前

濰淄其道

錐指傳曰正義曰地理志云濰水出琅邪箕屋山

山見

說文班志無
之此誤增

北至都昌縣入海過郡三行五百二十

里淄水出泰山萊蕪縣原山東北至博昌縣入海

漢今

書本作
入涉

渭案都昌屬北海郡博昌屬千乘郡今山東

青州府莒州東有箕縣故城益都縣西南有萊蕪故
城博興縣東南有博昌故城萊州府昌邑縣西有都
昌故城皆漢縣也

日知錄顧氏炎武曰濰水出琅邪郡箕屋山

在今莒州西北

里九十書禹貢濰溜其道左傳襄公十八年晉師東侵

及濰是也其字或省水作維或省糸作淮又或从心

作惟總是一字

地理今釋溜水出今青州府益都縣西南顏神鎮東南二十五里岳陽山即原山也其山接濟南府章邱溜川萊蕪三縣溜水出於山之東谷東北流至青州府壽光縣北由清水泊入海禹時溜水入海不入濟

水經汪敘述甚明史記河渠書亦云禹治水之後於齊則通菑濟之間是二水不通可知蔡氏因漢書淄水入泲一語云淄水東入濟非是

萊夷作牧

雖指顏氏曰萊夷萊山之夷也林氏曰史記齊世家太公東就國萊夷來伐與之爭營邱左傳夾谷之會萊人欲以兵劫魯侯孔子曰兩君合好而裔夷之俘以兵亂之萊之為夷無疑矣先儒但以為地名非也

渭案今萊州登州二府皆禹貢萊夷之地

浮於汶達於濟

錐指正義曰地理志云汶水出泰山萊蕪縣原山西
南入濟渭案此經蒙充之文曰達於濟則由漯以入
河可知矣其東北境徑浮濟不必從汶也 以今輿
地言之汶水自萊蕪歷泰安肥城寧陽至東平入濟
合流以注於海此禹迹也迨元人引汶絕濟為會通
河明永樂中又築戴村壩遏汶水盡出南旺以資運

而安山入濟之故道填淤久矣

地理今釋汶水出今山東濟南府萊蕪縣其源非一

合流於泰安州之靜安鎮謂之大汶又有小汶出新

泰縣宮山之下至徂徠山南入大汶

水經注有牟汶汶北汶柴汶

水舊由安民亭合濟水東北入海自明永樂九年於

東平州東六十里築戴村壩盡遏汶水出南旺南北

分流南流達於濟寧州會沂泗諸水入淮者十之四

北流達於臨清州會漳衛諸水入海者十之六矣

胡氏渭曰青州有古爽鳩氏之虛為季荊有逢伯陵
蒲姑氏之所因及斟灌斟尋寒過之封皆在焉春秋
時可考者齊紀譚州夷介萊凡七國戰國時為齊燕
二國地秦并天下置齊郡琅邪東境是遼東漢復置青

州

領郡國六

後漢魏並因之

領郡國五

晉分置平州

青州領郡國六平州

領郡國五

後改曰幽州唐為河南道之北海

青州

濟南齊淄

川

淄

高密

密

東萊

萊

東牟

登

等郡河北道之安東都

護府案以上通典所列高密之莒縣及諸城之南境

當往屬徐又有當來屬者兗域濟陽之盧縣及東阿

之東境

後漢穀城縣地在濟東者即今東阿縣

平陰之北境徐域魯郡

乾封萊蕪之北境是也以今輿地言之山東登州萊

州二府其青州府則益都臨淄昌樂安邱壽光臨朐

及諸城高苑博興樂安之南境濟南府則肥城長清

歷城章邱鄒平長山新城淄川及泰安萊蕪之北境

兗州府則唯東阿及平陰之北境


三府之地南以齊長城故址與徐分

界西及北以漢時濟水故道與兗分界

其東北跨海為故遼東都司之

東境及朝鮮國皆古青州域也

右禹貢冀兗青三州



五禮通考卷二百一